

л. 603 об.

вся лицъ красныхъ доброта — червие суть пища.  
 Вся сласти тѣлесныя в горестъ обратятся,  
 веселія временна в слезы измѣнятся.  
 Блажен, иже, презрѣвъ миръ, богу работаетъ,  
 радости и веселія в небѣ ожидаетъ.  
 То Евдокия, мати святая, провидѣ,  
 тѣмъ же от тѣлннхъ скоро днесь отиде.  
 Красоты мира весма она обругала,  
 прелести и богатства дивнѣ вся попрапа,  
 Плотския совершенно страсти умертвила,  
 егда тѣло си постомъ приснымъ утрудила.  
 Познася, яко велий зѣло врагъ плоть бѣше,  
 душу ея в тѣлесней сквернѣ содержаше,<sup>ж</sup>  
 Тѣмъ же ту она постомъ многимъ уморила,  
 духъ свой Христу владыцѣ весма покорила,  
 В покаянии животъ свой провождаше,  
 оставления грѣховъ у Христа прошаше.  
 Чесого дѣла видѣ во ужасѣ на небѣ  
 восприемшия радость анггела в себѣ,  
 Ефиопа же черна излиха стенища,  
 аки многу обиду от нея терпяща.  
 Тѣмъ же сокровище си скоро расточаше,<sup>з</sup>  
 страннымъ, убогимъ, еже зла собрала бѣше.  
 Того ради достойна бысть небесна лика,  
 в онъ же причте ю Христосъ, богъ всѣхъ и владыка.

л. 604

Зѣло есть претѣсный путь пресвѣтлаго неба,  
 в скорбѣхъ и нуждахъ итти во оно потреба.  
 Терниемъ острымъ весь той путь преисполнися,  
 но шипокъ благовонный в кончинѣ явися,  
 Зѣло красной вонюю своею наслаждай,<sup>и</sup>  
 душу и тѣло купно превозвеселяй, —  
 Еже есть веселіе на небеси вѣчно,  
 слава, честь и блаженство весма безконечно.  
 Той Евдокия свята вседушно желаше,  
 тѣмъ же путь тѣсный в мирѣ и скорбный течаше,  
 Днемъ и ночью плоть си крѣпко томила есть  
 постомъ и трудами, а бога молила есть.  
 Хлѣбъ ея сухъ бѣ, вода жажду утоляше,  
 приснымъ течениемъ слезъ людей удивляше,  
 Негли аггели ся тому почюдиша,  
 како во дни и в нощи в хлѣбъ ей слезы быша.  
 За что отецъ небесный во дщерьъ любезну себѣ  
 приобщи ю и вѣнча в емпирийскомъ небѣ,  
 Во мирѣ учреждаетъ премирному своему (так!),  
 со анггелы вѣчными брашны и святыми.  
 Идѣ же за тя, царю от бога намъ данный,  
 ко оному ходатай есть она непрестанный, —  
 Да тя благоизволитъ здѣ благословити,  
 царствіе твое всюду миромъ оградити;  
 Под твоя ноги враговъ твоихъ да смиряетъ,  
 предѣлы твоя славно да распространяетъ;  
 Славну ти, здраву, честну да дастъ пребывати  
 премногія лѣта, и небо пристяжати;  
 Ихъ же благъ всеусердно хошемъ тебѣ,  
 господь богъ ти да подастъ, царствуя въ небѣ.  
 О, преблаженна еси, Евдокие мати,  
 сподобльшаяся радостъ вышнимъ силамъ дати,  
 С ними же сама нынѣ живеша в радости,  
 за земныя горести в небеснѣй сладости;  
 О немъ же мы блаженствѣ привѣтство ти дѣемъ,  
 о пособіе молити молитися съѣмъ:  
 Умоли у господя Феодору царю  
 здравіе лѣта многа, вѣрну государю,

л. 604 об.

<sup>ж</sup> В ркп. содержаще. <sup>з</sup> В ркп. расточаше. <sup>и</sup> В ркп. наслаждаяся.